

0.0.1 nibbedhikasuttaṃ: excerpt

1. kammaṃ bhikkhave veditabbaṃ kammānaṃ nidānasambhavo veditabbo, kammānaṃ vemattatā vedibbā, kammānaṃ vipāko veditabbo, kammanirodho veditabbo, kammanirodhagāminī paṭipadā veditabbā"ti iti kho panetaṃ vuttaṃ, kiñcetaṃ paṭicca vuttaṃ:
2. cetanāhaṃ bhikkhave kammaṃ vadāmi, cetayitvā kammaṃ karoti kāyena vācāya manasā,
3. katamo ca bhikkhave kammānaṃ nidānasambhavo: phasso bhikkhave kammānaṃ nidānasambhavo.
4. katamā ca bhikkhave kammānaṃ vemattatā: atthi bhikkhave kammaṃ nirayavedanīyaṃ, atthi kammaṃ tiracchānayanivedanīyā, atthi kammaṃ pettivisayavedanīyaṃ, atthi kammaṃ manussalokavedanīyaṃ, atthi kammaṃ devalokavedanīyaṃ. ayaṃ vuccati bhikkhave kammānaṃ vemattatā.
5. katamo ca bhikkhave kammānaṃ vipāko: tividhāhaṃ bhikkhave kammānaṃ vipākaṃ vadāmi: diṭṭhevā dhamme, upajje vā, apare vā pariyāye. ayaṃ vuccati bhikkhave kammānaṃ vipāko.
6. katamo ca bhikkhave kammanirodho: phassanirodho bhikkhave kammanirodho.

7. ayameva ariyo aṭṭhaṅgiko maggo kammanirodhagāmini paṭipadā. seyyathīdaṃ: sammādiṭṭhi sammādiṭṭhi sammāsaṅkappo sammāvācā sammākammanto sammā ājī sammāvāyāmo sammāsati sammāsamādhi.

8. yato ca kho bhikkhave ariyasāvako evaṃ kammaṃ pajānāti, evaṃ kammāna nidānasambhavaṃ pajānāti, evaṃ kammānaṃ vemattataṃ pajānāti, evaṃ kammānaṃ vipākaṃ pajānāti, evaṃ kammanirodhaṃ pajānāti, evaṃ kammanirodhagāmini paṭipadaṃ pajānāti. so imaṃ nibbodhikaṃ brahmacariyaṃ pajānāti kammanirodhaṃ.

9. "kammaṃ bhikkhave veditabbaṃ kammānaṃ nidānasambhavo veditabbo, kammānaṃ vemattatā veditabbā, kammānaṃ vipāko veditabbo, kammanirodho veditabbo, kammanirodhagāminī paṭipadā veditabbā"ti iti yantaṃ vuttaṃ, idametaṃ paṭicca vuttaṃ.

10. dukkhaṃ bhikkhave veditabbaṃ, dukkhassa nidānasambhavo veditabbo, dukkhassa vemattatā veditabbā, dukkhassa vipāko veditabbo, dukkhassa nirodho¹ veditabbo, dukkhassa nirodhagāminī² paṭipadā veditabbā"ti iti kho panetaṃ vuttaṃ, kiñcetaṃ paṭicca vuttaṃ

pts page 416

¹dukkhanirodho - machasaṃ.

²dukkhanirodhagāmini - machasaṃ.

11. jātīpi dukkhā jarāpi dukkhā vyādhipi dukkho maraṇampi dukkhaṃ soka paridevadukkhadomanassupayāsāpi dukkhā yampicchaṃ na labhati tampi dukkhaṃ, saṅkhittena pañcupādānakkhandhā dukkhā.

12. katamo ca bhikkhave dukkhassa nidānasambhavo: taṇhā bhikkhave dukkhassa nidānasambhavo:

13. katamā ca bhikkhave dukkhassa vemattatā: atthi bhikkhave dukkhaṃ adhimattaṃ, atthi parittaṃ, atthi dandhvirāgī³ atthi khippavirāgī. ayaṃ vuccati bhikkhave dukkhassa vemattatā.

14. katamo ca bhikkhave dukkhassa vipāko: idha bhikkhave ekacco yena dukkhena ahibhūto pariyādinna-citto socati, kilamati, paridecati, urattāliṃ kandati, sammohaṃpajjati. yena vā pana dukkhena abhibhūto pariyādinna citto bahiddhā pariyetṭhiṃ ājjati "ko ekapa-daṃ dipadaṃ pajānāti imassa dukkhassa nirodhāyā"ti. sammohavepakkhaṃ vāhaṃ bhikve dukkhaṃ vadāmi pariyetṭhivepakkhaṃ vā.

15. katamo ca bhikkhave dukkhanirodho: taṇhānirodho bhikkhave dukkhanirodho.

16. ayameva ariyo aṭṭhaṅgiko maggo dukkhanirodha-gāminī paṭipadā. seyyathidaṃ: sammādiṭṭhi sammā-

³dandhvirāgaṃ - katthaci.

saṅkappo sammāvācā sammākammanto sammā ājīvo
sammāvāyāmo sammāsati sammāsamādhi.

17. yato ca kho bhikkhave ariyasāvako evaṃ dukkhaṃ pajānāti, evaṃ dukkhassa nidāna sambhavaṃ pajānāti, evaṃ dukkhassa vemattataṃ pajānāti, evaṃ dukkhassa vipākaṃ pajānāti, evaṃ dukkhanirodhaṃ pajānāti, evaṃ dukkhanirodhagāminiṃ paṭipadaṃ pajānāti, so imaṃ nibbedhikaṃ brahmacariyaṃ pajānāti dukkhanirodhaṃ.

18. "dukkhaṃ bhikkhave veditabbaṃ, dukkhassa nidānasambhavo veditabbo, dukkhassa vemattatā veditabbā, dukkhassa vipāko veditabbo, dukkhanirodho veditabbo, dukkhanirodhagāminī paṭipadā veditabbāti" iti yantaṃ vuttaṃ, idametam paṭicca vuttaṃ. ayaṃ so kho bhikkhave nibbedhikapariyāyo dhammapariyāyoti.